

Socio-ekonomsko jačanje i inkluzija ugroženih porodica u opštini Srebrenica

SOS Dječija sela BiH, uz svesvrđnu pomoć Austrijske razvojne agencije i SOS Kinderdorf International Austrije je pokrenula projekat **Socio-ekonomsko jačanje i inkluzija ugroženih porodica u opštini Srebrenica** sa sveobuhvatnim ciljem da doprinese smanjenju neravnopravnosti i siromaštva ugrožene djece i njihovih porodica u skladu sa Razvojnou strategijou Opštine Srebrenica 2015-2019 koji će trajati od januara 2018 do decembra 2020 godine.



SOS Dječija sela BiH ovim projektom žele postići sljedeće očekivane ciljeve do kraja trajanja projekta:

Rezultat 1:

Porodice u ruralnim područjima su ekonomski ojačane da bi povećale kućni budžet kroz zadruge/mala kućna preduzeća i bolji pristup tržištu

Rezultat 2:

Osnažena zapošljivost odraslih članova porodice (mladi, žene i muškarci) kroz povećan nivo obrazovanja

Rezultat 3:

Djeca uključena u program imaju pristup osnovnim servisima u zajednici kako bi ostvarila svoja prava (zaštite, razvoja i učešća)

Rezultat 4:

Staratelji i važni akteri su poboljšali svoje vještine i kapacitete da zaštite i brinu o djeci

Rezultat 5:

Mreža socijalne zaštite i inkluzije (SPIN) i grupe iz zajednice su ojačane i promoviraju dječija prava



U skladu sa vizijom i misijom organizacije SOS Dječija sela, primarna ciljna grupa projekta su **170 djece** i **30 mladih odraslih** u 100 porodica, gdje su djeca pod rizikom od napuštanja i razdvajanja od porodica porijekla.

Projekat je dizajniran da direktno utiče na problem nedostatka prilika za zapošljavanje i socijalnu inkluziju ciljanih socijalno ugroženih grupa i njihovih porodica kroz obezbjeđivanje specijaliziranih biznis treninga i udruženih malih grantova za zapošljavanje i mentorstvo preko servisa za poslovno savjetovanje.

Projekat će direktno poboljšati saradnju između ključnih aktera za zaštitu prava djece kroz obezbjeđenje treninga za organizacije bazirane na zajednici i zagovaračkoj mreži aktera u cilju stvaranja mogućnosti za inovativno i efektivno zapošljavanje bez velikih ulaganja, proviziju poslovnih poticaja za poslodavce, dostupnost kvalitetne podrške za poslovanje i poboljšanje konkurencije u lokalnoj ekonomiji.


Projekat također uzima u obzir postojeće strategije za ekonomsko osnaživanje mladih ljudi u Srebrenici i gradi svoje

aktivnosti na osnovu postojećih kao i nedostacima koji su identificirani u sklopu tih strategija (posebno SWOT analiza koja je definisana u Razvojnoj strategiji Srebrenice).

Sve definisane projektne aktivnosti će uključivati pristupe inkluzije, antiskriminatorne i demokratske principe, nudeći mogućnosti učestvovanja u odlučivanju za ciljne grupe.

U slučaju da Vaša organizacija može doprinijeti gore navedenim ciljevima i misiji organizacije SOS Dječija sela BiH, molimo Vas da kontaktirate ured SOS Dječijih sela BiH u opštini Srebrenica putem brojeva telefona:

056 991 418
066 026 222



SOS PROGRAM JAČANJA PORODICA SREBRENICA

SOCIO-EKONOMSKO JAČANJE i INKLUZIJA UGROŽENIH PORODICA U OPŠTINI SREBRENICA



Nijedno dijete ne treba odrastati samo